

LUGO PEDRA A PEDRA

En aras de aproveitar e potenciar o patrimonio xeolóxico de Lugo, a Concellería de Cultura, Turismo, Xuventude e Promoción da Lingua pon en marcha o programa “Lugo pedra a pedra”. Propónense actividades variadas que esperten o interese pola xeoloxía, e o programa inclúe obradoiros, seminarios, xogos e actividades ao aire libre con saídas pola cidade e os arredores. Expertos xeólogos dirixirán estas actividades, realizaranse distintos experimentos como a observación con lupa, a comparación de estruturas xeoloxicas e a recollida de exemplares.

O programa desenvolverase desde o 5 de abril ata o 27 de setembro e as actividades terán carácter gratuito. A inscrición será a través do Servizo 010 (982 297 359 para chamadas de fóra de Lugo) e na Oficina Municipal de Turismo - Centro de Interpretación da Muralla (982 251 658). No seguinte cadro recóllese o programa completo:

LUGO PEDRA A PEDRA	Actividade	Data	Hora e Lugar	Público	Nº de prazas
1	Obradoiro de identificación de rochas e minerais	Sábado 5 ABRIL (3h pola mañá e 3h á tarde)	10 a 13 e de 17 a 20	Todos os públicos	20 persoas
			no MIHL		
2.1	Ruta periurbana: O río dos muíños	Domingo 6 ABRIL (pola mañá)	10:30 a 14	Todos os públicos	35 persoas
			Praza do Campo		
2.2	Ruta periubana: As ribeiras altas, Miño arriba	Domingo 13 ABRIL (Hai que levar comida e bebida para o xantar)	10:30 a 18	Todos os públicos	35 persoas
			Praza do Campo		
2.3	Ruta periubana: Miño aberto, río abaixo (percorrido completo)	Xoves 1 MAIO (pola mañá acabando co xantar)	10:30 a 19	Todos os públicos	35 persoas
			Pazo Universitario dos Deportes		
3.1	Clube de lectura: 1ª sesión	Sábado 5 ABRIL (1 hora)	13 a 14 horas	Rapaces e adultos	Sen límite
			MIHL		
3.2	Clube de lectura: 2ª sesión Libro escollido: <i>Febre</i> , de Héctor Carré	Sábado 26 ABRIL (2h pola mañá)	11 a 13 horas	Rapaces e adultos	Sen límite
			MIHL		
3.3	Clube de lectura: 3ª sesión	Sábado 10 MAIO (2h pola mañá)	11 A 13 horas	Rapaces e adultos	Sen límite
			MIHL		
3.4	Clube de lectura: Ruta urbana xeoliteraria	Sábado 17 MAIO (pola mañá)	11 A 14:30	Rapaces e adultos	25 persoas
			Praza do Campo		
4	Geocaching: Á procura do tesouro xeolóxico	Sábado 28 XUÑO (pola mañá)	10 horas ata remate	Todos os públicos	20 persoas
			Praza Pío XII		
5	Obradoiro xeolóxico	14 a 18 de XULLO (5 sesiós de 4h cada unha)	10 a 14 horas	Rapaces e adultos	20 persoas
			MIHL		

6.1	Ruta urbana: Lugo en rochas 1	12 XULLO	11 a 14	Todos os públicos	25 persoas
			Parque de Rosalía		
6.2	Ruta urbana Lugo en rochas 2	2 DE AGOSTO	11 a 14	Todos os públicos	25 persoas
			Parque de Rosalía		
6.3	Ruta urbana Lugo en rochas 3	20 SETEMBRO	17 a 20	Todos os públicos	25 persoas
			Parque de Rosalía		
6.4	Ruta urbana Lugo en rochas 4	18 OUTUBRO	17 A 20	Todos os públicos	25 persoas
			Parque de Rosalía		
			Rosalía		
7	Semana da ciencia: Xogando coa xeoloxía (Laboratorio xeolóxico)	Do 2 ao 5 de SETEMBRO (4 convocatorias de 2h cada unha)	11 a 13	Nenos idade escolar	15 persoas
			MIHL		
8	Ginkana Lucas Petreus	6 setembro	11 a 13 na Praza de Pío XII	Nenos idade escolar	20 persoas
9	Saída de campo na provincia	27 SETEMBRO	10 – 20	Todos os públicos	50-53 persoas
			Tramo peonil ronda Muralla		

DESCRICIÓN DAS ACTIVIDADES

1.- OBRADOIRO DE IDENTIFICACIÓN DE ROCHAS E MINERAIS

Dúas sesións prácticas lúdico-formativas sobre litoloxía e mineraloxía destinadas a rapaces e adultos curiosos.

2.- RUTAS PERIURBANAS

Redescuberta dos aspectos xeolóxicos agochados nas rutas Miño aberto, río abaixo, O río dos muíños e As ribeiras altas, Miño arriba con especial atención á hidroxeoloxía dos arredores da cidade de Lugo.

3.- CLUBE DE LECTURA

Lectura compartida dun libro ou de varios fragmentos de varios libros desde unha perspectiva literaria, mais tamén científica. A lectura será escollida polo grupo de persoas inscritas e poderá ser realizada na versión orixinal ou na súa tradución no caso de se tratar dunha obra estranxeira. Algunhas posibles propostas son *Febre*, de Héctor Carré, que aborda o tema da explotación mineira, *Viaxes con Ánxel Fole*, de Manuel Rodríguez López, ou algúns dos clásicos de Jules Verne, como *Viaxe ao centro da terra*. Se o libro o permite poderá pecharse o clube cunha ruta xeoliteraria a algún lugar relacionado coa obra escollida.

4.- GEOCACHING

Xogo de acción no que os participantes terán que encontrar un tesouro xeolóxico agochado nalgún punto do concello de Lugo seguindo de algúns pistas. A actividade permite coñecer doutra maneira determinados elementos xeolóxicos de importancia.

5.- OBRADOIRO XEOLÓXICO

Actividade formativa que inclúe tanto aspectos teóricos como a observación in situ e diversas actividades prácticas de fácil execución. Os temas abordados en cada unha das 5 sesións serán:

- Paisaxe: formas e relevo
- Xeoloxía da auga de Lugo
- A litoloxía do concello
- O ambiente sedimentario
- O tempo en xeoloxía

6.- RUTAS URBANAS: LUGO EN ROCHAS

Paseo polos vestixios dos tempos do Paleozoico que conformaron o xisto utilizado para construír a muralla. Esta ruta, dirixida tanto a nenos como a adultos, permitirá ver con outros ollos a paisaxe urbana de Lugo a través das súas rochas, das construcións e dos solos da cidade.

7.- GINCANA LUCUS PETREUS

Serie de xogos que levarán os participantes (familias ou escolares) a recoñecer diferentes tipos de rochas ornamentais autóctonas e foráneas e a identificar os materiais artificiais utilizados para os mesmos fins no espazo urbanizado de Lugo.

8.- SEMANA DA CIENCIA: XOGANDO COA XEOLOXIA

Laboratorio xeolóxico para nenos con actividades formativas adaptadas ao contexto educativo, para que os rapaces e rapazas asimilen conceptos xeolóxicos básicos por medio de diferentes experimentos, xogando a seren científicos.

9.- SAÍDA DE CAMPO

Para pechar un ano completo de actividades xeolóxicas, que mellor maneira que rematar cunha verdadeira saída de campo? As propostas son Portomarín, a Mariña, o Courel ou a Ribeira Sacra Lucense.

+info: <http://www.lugoturismo.com/noticias/?pag=detalle&idNoticia=687>